

АҚПАРАТТЫҚ ХАБАРЛАМА

2017 жылғы 4 қазан

«БЖЗҚ» АҚ Басқарма төрайымының Ақмола облысындағы кездесулері

2017 жылғы 4 қазанда «БЖЗҚ» АҚ Басқарма төрайымы Нұрбүбі Наурызбаева Көкшетау қаласында Ақмола облысының әкімі Мәлік Мырзалинмен, сондай-ақ облыс активімен, мемлекеттік және қаржылық мекемелердің басшыларымен кездесті. Мақсат – Бірыңғай жинақтаушы зейнетақы қорының тұрғындар арасында ақпараттық-түсіндіру жұмыстарын күшейту және өңір тұрғындарын зейнетақы жүйесіне тарту мәселесін талқылау. Ресми деректер бойынша Ақмола облысы халқының саны шамамен 745 мың адамды құрайды. Бұл ретте 438 мыңға жуық адам – экономикалық тұрғыдан белсенді тұрғындар. Ал олардың ішінде 269 482 адам (бұл экономикалық тұрғыдан белсенді тұрғындардың шамамен 62 пайызын құрайды) – жалдамалы жұмыскерлер болса, 146 950 адам – өзін-өзі жұмыспен қамтушылар. 2017 жылдың 1 қыркүйегіндегі жағдай бойынша Ақмола облысы аумағында 369,7 мың адамның атына міндетті зейнетақы шоты ашылған. Облыс тұрғындарының міндетті жарналар бойынша зейнетақы жинақтарының сомасы 228,5 млрд теңге болды. Ал бұл Қазақстан Республикасында міндетті жарналар бойынша зейнетақы жинақтарының шамамен 3 пайызын құрайды. Ақмола облысы тұрғындарының зейнетақы жинақтары орта есеппен 618 мың теңгені құрайды, бұл орташа республикалық көрсеткіштен 20,4 пайызға төмен. Әйелдердің зейнетақы жинақтарының орташа сомасы 562 мың теңге, ал бұл ерлердің зейнетақы жинақтарының орташа сомасынан 20 пайызға төмен (ерлерде 701 мың теңге).

Ақмола облысында БЖЗҚ-ның 19 бөлімшесі жұмыс істейді – облыс филиалы және дербес қызмет көрсету орталықтары. Оларда ағымдағы жылдың 1 қыркүйегіндегі жағдай бойынша жыл басынан бері 142 465 операция жасалған. Ақмола облысында 165 743 адам зейнетақы жинақтары туралы ақпарат алудың электрондық тәсілін таңдаған.

Кездесу барысында облыс тұрғындарын жинақтаушы зейнетақы жүйесіне тарту, олардың қаржылық сауаттылығын арттыру және зейнетақы жүйесін жаңғырту бойынша ақпарат беру мәселелері талқыланды. Кездесу қорытындысы бойынша «Бірыңғай жинақтаушы зейнетақы қоры» акционерлік қоғамы мен Ақмола облысының әкімдігі арасында ынтымақтастық туралы Меморандумға қол қойылды. Осы келісім аясында аталған мәселелерді шешу жолында бірлескен игі шараларды жүзеге асыру көзделеді. БЖЗҚ Меморандумға сәйкес жергілікті кәсіпорындар мен ұйымдарда облыс тұрғындары арасында ақпараттық-түсіндіру жұмыстарын жүргізіп, жергілікті бұқаралық ақпарат құралдарында материалдар жариялайтын болады. Бұл жұмыстарды жүзеге асыруда облыс әкімдігі қызу қолдау көрсетеді.

Осы күні «БЖЗҚ» АҚ Басқарма төрайымы журналистермен кездесіп, «Қазақстан» РТРК» АҚ Ақмола облыстық филиалының «Әлеумет» қоғамдық-саяси бағдарламасына сұхбат берді. Сұхбат барысында Нұрбүбі Наурызбаева зейнетақы жүйесінің демографиялық және экономикалық факторларды ескере отырып, өзінің тиімділігін арттыруға ұмтылуы керектігін атап өтті. Бұл жерде басты талап - зейнетақы жинақтарының жеткілікті дәрежеде болуы. Сонымен қатар Басқарма төрайымы Қор жұмысының көрсеткіштері, зейнетақы жинақтарының сақталуына мемлекет тарапынан кепілдік берілетіндігі, зейнетақы жинақтарының жай-күйі туралы ақпарат алу тәсілдері және зейнетақы жүйесінде жоспарланып отырған негізгі өзгерістер, олардың ішінде базалық зейнетақыны есептеу тәсілінің өзгеретіндігі мен 2018 жылдың 1 қаңтарынан бастап БЖЗҚ-дан зейнетақы төлемдерінің тек ай сайын төленетіндігі жайында жан-жақты әңгімеледі.

***БЖЗҚ** 2013 жылғы 22 тамызда «ГНПФ» ЖЗҚ» АҚ негізінде құрылды. БЖЗҚ құрылтайшысы және акционері – Қазақстан Республикасы Қаржы министрлігінің «Мемлекеттік мүлік және жекешелендіру комитеті» ММ арқылы Қазақстан Республикасының Үкіметі. БЖЗҚ зейнетақы активтерін сенімгерлікпен басқаруды Қазақстан Республикасының Ұлттық Банкі жүзеге асырады. 2016 жылғы 1 қаңтардан бастап зейнетақы активтерін басқару тиімділігін арттыру бойынша ұсыныстар жасау қызметі Қазақстан Республикасының Президенті басшылық ететін Ұлттық қорды басқару кеңесіне берілді.*

Зейнетақы заңнамасына сәйкес БЖЗҚ міндетті зейнетақы жарналарын, міндетті кәсіптік зейнетақы жарналарын, ерікті зейнетақы жарналарын тартуды, зейнетақы төлемдерін, зейнетақы жинақтары мен төлемдерін жеке есепке алуды жүзеге асырады, салымшыға (алушыға) зейнетақы жинақтарының жай-күйі туралы ақпарат береді (толығырақ www.enpf.kz сайтында).

БЖЗҚ» АҚ баспасөз орталығы
БАҚ үшін байланыстар: press@enpf.kz